

Suomâ stuárráamus já muččâdumos kieldâ Aanaar lii Suomâ aalmugijkoskâsumos arktâsii eellim kuávdáš Tave-Laapist. Aanaar lii maangâkulttuurlâš já šaddee paijeel 6800 ässee kieldâ, kost láá šiev kirdemohtâvuodah sehe vijđes kávpáliih já almoliih palvâlusah. Suáluičielgi mađhâšemkuávdáš, ruámšáás já styeres Aanaarjávri sehe vál-dáliih meccikuávluh astoägimáhdulášvuodâiguin pirâstiteh kieldâkuávdáá Avveel.

Aanaar kieldâ arâšoddâdmist mij tiäduštetp pirâs- já luándušoddâdem, kielâi rigesvuodâ sehe lihâdem merhâšume párnáá šoddâmân, ovdánmân já oppâmân.

Aanaar kieldâ čuovviittâstoimâ oca uuccâmnáál 26.2.2021 tme 15.00 räi peivikiäččuhoovdâ Aanaar peivikiäčun 15.3.2021 rääjist tâi sopâmuš mield

Puáđi Aanaar markkânân jođettiđ Aanaar peivikiäju. Peivikiäju hovdân tun västidah peivikiäju pedagogiik, pargei já ekonomia joođeetmist sehe äššigâspargoost já tooimâ ooddedmist. Aanaar peivikiäčun kuleh kulmâ peivikiäččuávkku, main ohtâ lii tavesämikielâlâš juávkku já oovtâ juávhust uárnejuvvoo meid eehid- já oholoppâtipšo.

Mij anneep áárvust arâšoddâdem jođettem čepis áámmátulmuu; tuu pargovyehi lii ovdedeijee já kuáskulâžžân tahhee, tun máátáh ornid já toohâđ miáradâsâid já tust lii táidu toimâđ nubásmuvvee tiilijn, tun piergiih tedduu vyelni já tust láá šiev ráđádállâm- ja viestâdemtááiduh sehe TVT-tááiduh. Toos lasseen mij anneep áárvust hárijánem arâšoddâdem jođettempargoin. Mij anneep hiättun sâmikulttuur tubdâm sehe tavesämikielâ já engâlâskielâ tááiduh.

Tun lah uási Aanaar kieldâ arâšoddâdem hovdâtiimi, mast mij porgâp oovtâstpargo oles arâšoddâdem ovdedem pyerrin virgekuoimijguin, pargosiárvusijn já sierâ tuáimeiguin. Mij faallâp tunjin uápásmem paargon, jođettem tuárjoo ráhtusijd já palvâlusâid, movtijdittee pargosiárvus já čepis virgekuoimijd sehe tárbulii tievâsmit- temškovlim tooimâ hoittám várás.

Tun lah tohálâš peivikiäččuhoovdâ tooimân, jis tust lii tohálâšvuotâ arâšoddâdem máttáatteijee tâi sosionom tooimân já ucemustáá šoddâdemtiettuu maister tođhos sehe kelijdeijee jođettemtáiduh, jis tuu tohálâšvuotâ peivikiäju hoovdâ tooimân ij meriduu arâšoddâdemlaavâ 75 § sirdumnjuolgâdus mield (arâšoddâdemlaahâ 540/2018).

Pargo álgá sajasâšvuottân 15.3.-5.5.2021 koskâsii ääigi já muttoo fastâ toimân 6.5.2021 rääjist. Peivikiäččuhoovdâ pargokuáhtásâš pälkki lii 2954,51 €/mp. Toos lasseen máksoo Aanaarlase 3 %, hárijánemlaseh sehe máhđuliih eres laseh já Kvpiis miäldásiih hiäduh. Pargoäigi lii koskâmiärálvát 38,25 h/okko.



Ovdil toomâ vuástávældim kalga toimâttid tuhhiittettee tuáhtártuođâštus tiervâsvuođâtiileest (T-luámáttâh) sehe uáinimnáál rikosregisterlaavâ 6 § 2 momentist uáivildum rikosregisterváldus. Tooimâst lii 4 mp keččâlemäigi.

Uuccâm tooimân tahhoo **www.kuntarekry.fi** -siiđoi peht. Jis ij lah máhđuláš toohâđ šleđgâlii ucâmuš, te ucâmuš toimâttuvvoo meriääigi räi čujottâsân: Inarin kunta, varhaiskasvatus, Piiskuntie 2, 99800 Ivalo.

Uuccâmääigi nuuhâm maņa mij ornip pargosahhiittâlmijd, kuus vuolgâttep povdiittâs sierâ. Tohálâšvuođâ čäittee tuođâštusah sehe eres tuođâštusah toimâttuvvojeh pivdedijn. Aanaar kieldâ lii suovâttes pargosiärvus.

Lasetiäđuh:

Arâšoddâdemhovdâ Pirkko Saarela puh. 040 7441259

Peivikiäččuovdâ vs. Varpu Falck puh. 040 1533971

Šleđgâpostâčujottâs: ovdanommâ.suhanommâ@inari.fi

Avelist 8.2.2021 arâšoddâdemhovdâ Pirkko Saarela

Ilmoitus julkaistaan kokonaisuudessaan www.kuntarekry.fi –sivustolla ja kotisivuilla www.inari.fi

Almottâs almostittoe tievâslâžžân www.kuntarekry.fi - siiđoin já päikkisiiđoin www.inari.fi.

Almmuhus almmustahttojuvvo ollâsit www.kuntarekry.fi - siiduin, ja ruoktosiiduin www.inari.fi.

Äâlmtôs čööđtet obbvuođstes www.kuntarekry.fi - seedin da dommseidain www.inari.fi

